



RESOLUCIÓN DO DEPARTAMENTO TERRITORIAL DE CELEIRO - LUGO POLA QUE SE ABRE O PRAZO DE PRESENTACIÓN DE SOLICITUDES PARA A ELABORACIÓN DA LISTA ABERTA PARA O INCREMENTO DO NÚMERO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO PERCEBE DA CONFRARÍA DE PESCADORES DE ESPASANTE

Procedemento: **Inclusión e actualización nas listas para o incremento do número de cotas de captura para as embarcacións incluídas nun plan de xestión de recursos específicos.**

Núm. expediente: **PE401M_C-2023-00003**

Entidades: **Confraría de Espasante**

Modalidade: **PERCEBE (Z8) (26H)**

Data inicio recepción solicitudes: **26-05-2025**

Data fin recepción solicitudes: **13-06-2025**

ANTECEDENTES

1. A Orde do 19 de decembro de 2025, pola que se aproban os plans de xestión para recursos específicos e algas en Galicia para o trienio 2025-2027, aproba o plan de xestión para o recurso específico de percebe (*Pollicipes pollicipes*), na modalidade de a flote, da Confraría de Pescadores de Espasante e establece a participación de 5 embarcacións e 11 tripulantes con dereito a cota.

2. Coma resultado da aprobación do plan para o trienio 2025-2027, hai 2 cotas vacantes, quedando 11 tripulantes no plan. No trienio anterior xa houbo unha convocatoria do procedemento PE 401M na Confraría de Pescadores de Espasante, o que xerou unha lista aberta na cal os armadores interesados poden solicitar a inclusión nas mesmas.

Departamento territorial de Celeiro - Lugo
Rúa Gerardo Harguindey Banet, 2 - 27863 Celeiro – Viveiro (Lugo)
Tfno: 982 55 50 15 – recursosmarinos.cmm.lugo@xunta.gal



3. O 22.05.2025 a Confraría de Espasante presenta unha solicitude de cobertura das vacantes no plan de percebe a flote, concretamente solicita cubrir o número de tripulantes do plan de 9 a 11. Esa cobertura foi aprobado pola Xunta Xeral da confraría.

CONSIDERACIÓNS LEGAIS E TÉCNICAS

1. *A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, modificada polo Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas, determina nos seus artigos 39-46, o procedemento para o incremento do número de cotas de captura para as embarcacións incluídas nun plan de xestión.*

2. Todas as solicitudes que cumpran os requisitos sinalados nesta resolución serán valoradas de acordo co baremo aprobado pola *Resolución do 4 de maio de 2016, da Dirección Xeral de Desenvolvemento Pesqueiro pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos*, modificada pola *Resolución do 18 de maio de 2020, da Dirección Xeral de Desenvolvemento Pesqueiro*.

3. Este departamento territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da *Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia*.

4. O Decreto 50/2021, do 11 de marzo, polo que se aproba a estrutura orgánica da Consellería do Mar, establece no seu artigo 13 o ámbito de competencias dos departamentos territoriais da Consellería do Mar, e en concreto o Departamento Territorial de Celeiro *terá como ámbito*





territorial toda a provincia de Lugo e os concellos costeiros comprendidos desde Cedeira, incluído, ata os límites das provincias da Coruña e Lugo.

De acordo con todo o anterior **RESOLVO,**

Abrir o prazo de presentación de solicitudes para a elaboración da lista para cubrir dúas (2) cotas de captura para as embarcacións incluídas no plan de xestión de percebe dende embarcación para a Confraría de pescadores de Espasante, con suxeición ás bases da convocatoria recollidas no anexo A.

Contra esta resolución, que non esgota a vía administrativa, poderase interpoñer un recurso de alzada no prazo dun mes no prazo de un mes a contar dende o día seguinte á notificación da presente resolución, ante a persoa titular da Consellería do Mar, de conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015).

Mediante este documento notifícaselle esta resolución segundo o esixido no artigo 40.1 da Lei 39/2015.

A directora territorial

PS.: A xefa do Servizo de Desenvolvemento Pesqueiro

(Resolución do 13/05/2024 do Conselleiro do Mar)

María Nazaret Díaz Rifón

(asinado á marxe dixitalmente)





ANEXO A Bases da convocatoria

1. Normas xerais.

1.1 O obxecto do proceso selectivo é a elaboración da lista para o incremento do número de cotas de captura para as embarcacións incluídas no plan de xestión de percebe dende embarcación da Confraría de pescadores de Espasante de conformidade co establecido no plan de xestión aprobado para o trienio 2025-2027.

1.2 Requisitos das embarcacións.

Para poder inscribirse na lista para o incremento do número de cotas de captura, as embarcacións deberán estar incluídas no plan de xestión de percebe dende embarcación da Confraría de pescadores de Espasante de conformidade co establecido no plan de xestión aprobado para o trienio 2025-2027.

1.3 Solicitudes, documentación, prazo e lugar de presentación.

As solicitudes dirixiranse ao departamento territorial da Consellería do Mar en Celeiro - Lugo no prazo de quince (15) días hábiles, contados desde o día seguinte ao da publicación da resolución da convocatoria do proceso selectivo no taboleiro de anuncios do departamento territorial e na páxina web: <http://www.mar.xunta.gal>.

Esta convocatoria tamén estará exposta, con carácter informativo, no taboleiro de anuncios da Confraría de Pescadores de Espasante.

A Lei 4/2019 do 17 de xullo, de administración dixital de Galicia (DOG núm. 141, do 26 de xullo de 2019) no seu artigo 10º 1.a) establece que os traballadores autónomos e as traballadoras autónomas para os trámites e as actuacións que realicen no exercicio da súa actividade profesional, no ámbito do sector público autonómico estarán obrigados a relacionarse a través dos medios electrónicos para a realización de calquera trámite dun procedemento administrativo, ademais dos indicados no artigo 14.2 da Lei 39/2015, do 1 de outubro, do procedemento administrativo común das administracións públicas.

Polo tanto as solicitudes e a documentación acreditativa, deberán presentarse unicamente por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) mediante o procedemento PE401M.





A falsidade dos datos esenciais para a selección das persoas aspirantes dará lugar á súa exclusión automática do proceso selectivo.

A solicitude deberá vir acompañada da seguinte documentación:

a) Para acreditar a personalidade para presentar a solicitude:

a.1) No caso dunha persoa física, DNI ou NIE da persoa solicitante, no caso de non autorizar á Consellería do Mar para a obtención desta información.

a.2) No caso de cotitularidade, copia do DNI ou NIE do resto das persoas físicas titulares do permiso de explotación da embarcación, agás no suposto de autorización expresa á Consellería do Mar para obter esta información. A autorización expresa para a consulta destes datos realizarase empregando o anexo IX da Orde do 30 de decembro de 2015.

a.3) No caso dunha persoa xurídica, NIF da entidade e DNI ou NIE da persoa representante en caso de non autorizar á Consellería do Mar para obter esta información. No caso dunha persoa xurídica, a persoa representante deberá acreditar a representación con que actúa.

No caso de ser titular do permiso de explotación por cesión, deberán tamén dar a súa conformidade a/s persoa/s propietaria/s da embarcación e acreditar a personalidade seguindo os puntos anteriores.

b) Documentación acreditativa de cada un dos aspectos que se van valorar de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro, modificada pola Resolución do 18 de maio de 2020.

Para os efectos de computar os méritos establecidos só se valorarán os obtidos ata a data de publicación da resolución da apertura do prazo de presentación de solicitudes para a elaboración das listas.

b.1) Embarcacións que só teñan unha cota de captura no plan de xestión:

A información relativa a esta epígrafe será a que conste en poder da Consellería do Mar.

b.2.) Experiencia profesional no sector da persoa armadora da embarcación

I. A información relativa a este epígrafe será a que conste en poder da Consellería do Mar.

II. No caso de que a persoa armadora, estivese enrolado/a como percebeiro en embarcacións que contan coa modalidade do recurso específico de percebe dende embarcación nos 2 anos anteriores a convocatoria: Rol de despachos da embarcación e da libreta de embarque.

b.3) Habitualidade da actividade pesqueira da embarcación.



- A información relativa ás vendas realizadas e rexistros de actividade pesqueira será a que conste en poder da Consellería do Mar.

– Rol de despachos e tripulación durante o ano natural inmediatamente anterior á data de publicación da convocatoria (2024).

c) Folla de asento da embarcación actualizada á data da convocatoria.

1.4 Emenda da solicitude.

Logo de rematar o prazo de presentación de instancias, de acordo co disposto no artigo 68 da Lei 39/2015, do 2 de outubro de Procedemento administrativo das administracións públicas, se a solicitude non reúne os requisitos formais, requiriráselle ás persoas interesadas, para que nun prazo de dez (10) días hábiles, a emenden, con indicación de que, se así non o fixesen, se lles terán por desistidas das súas peticións, logo dunha resolución expresa.

A notificación, por tratarse dun acto integrante dun procedemento de concorrencia competitiva e de conformidade co establecido no artigo 45 da Lei 39/2015, do 2 de outubro poderá realizarse mediante publicación no taboleiro de anuncios do departamento territorial e na páxina web <http://www.mar.xunta.gal> e producirá os mesmos efectos que a notificación individualizada.

2. Proceso selectivo. Publicidade das listas

O departamento territorial procederá á baremación das solicitudes e fará pública a lista no seu taboleiro de anuncios e na páxina web <http://www.mar.xunta.gal>.

A lista tamén se exporá, con carácter informativo, no taboleiro de anuncios da entidade solicitante.

3. Emprego da lista

3.1. O departamento territorial comunicará ás persoas armadoras das embarcacións integrantes da lista que poden beneficiarse do incremento de cotas e concederá un prazo de quince (15) días hábiles para presentar a seguinte documentación:

a) Rol de despachos actualizado da embarcación coa dotación de tripulación enrolada nela.

b) Certificacións profesionais que correspondan ás persoas tripulantes enroladas, agás no suposto de autorización expresa por parte das persoas tripulantes á Consellería do Mar para a consulta das certificacións profesionais expedidas pola Consellería do Mar. A autorización expresa para a consulta destes datos realizarase empregando o anexo X da Orde do 30 de decembro de 2015.





3.2. As persoas que non acepten os incrementos ofertados durante dúas veces consecutivas sen causa xustificada non recibirán unha nova oferta durante un prazo de doce (12) meses.

No caso de renunciaren aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de novo a súa inscrición unha vez transcorrido o dito prazo.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base 1.2, entenderase que desisten da súa solicitude.

4. Novas solicitudes de inscrición e actualización de méritos de embarcacións xa inscritas na lista

4.1. A lista permanecerá aberta permanentemente para que as persoas armadoras de embarcacións interesadas incluídas no plan de xestión poidan solicitar a inscrición de acordo co establecido nas bases desta convocatoria.

4.2. As persoas armadoras de embarcacións xa inscritas nas listas poderán actualizar os méritos, o que levará á correspondente modificación da puntuación, de ser o caso.

As solicitudes de actualización polas persoas armadoras das embarcacións realizaranse no mes de xaneiro segundo o indicado no apartado 1.3, achegando a esta a documentación que acredite os méritos establecidos no baremo que desexen actualizar.

A actualización dos méritos será efectuada anualmente polo departamento territorial no primeiro cuadrimestre de cada ano.

